

Ho setse kgwedi feela ho faela dikgutliso tsa lekgetho

Ho ekeditswe dihora tsa tshebetso ka Meqebelo ya Mphalane

PRETORIA, 01 Mphalane 2018 – Balefalekgetho ka bonngwe ba bona ba saletswe feela ke matsatsi a 30 ho faela dikgutliso tsa bona tsa lekeno la lekgetho.

Sehla sa lekgetho se kwalwa ka la 31 Mphalane bakeng sa balefalekgetho bao e seng ba nakwana mmoho le balefalekgetho ba nakwana ba ikgethelang ho faela lekaleng. Ka tlwaelo [balefalekgetho ba nakwana](#) ba na le ho fihlela ka la 31 Pherekong 2019 ho faela ho eFiling feela.

Sehleng sena sa ho faela re ne re tsepamisitse maikutlo kanaleng ya ho faela ya dihora tse 24 eo balefalekgetho ba ka e sebedisang ka nako ya bona ntle le ho leba lekaleng. Basebedisi ba eFile ba tshehetswa ka motjha wa Help-You-eFile ka dihora tsa tshebetso, e ba kopanyang le akgente ya SARS Contact Centre e ka thusang molefalekgetho ho tlatsa kgutliso ya hae ya lekgetho.

Kgweding ya ho qetela ya sehla sena sa ho faela, SARS Contact Centre e tla fumaneha ka Meqebelo ho tloha ka 06 - 27 Mphalane ho tloha ka 8 hoseng ho isa ho 1 motshehare, ho tshehetsa balefalekgetho ba sebedisang eFiling.

Makala ohle a SARS le ona a tla be a butswa ka Meqebelo ka yona nako eo moo balefalekgetho ba ka kgonang ho sebedisa dibaka tseo ho tsona ba ka ithusang ka bobona ho faela dikgutliso tsa bona tsa lekgetho la lekeno ka mokgwa wa elektronike.

Ho bohlokwa ho hlokomela hore hore dihora tsena tse ekeditsweng ka Meqebelo di tla sebedisetswa feela ho thusa batho ka dikgutliso tsa lekgetho la lekeno feela.

Ho fihlela jwale, SARS e se e le haufi le ho fihlella sebeo sa dinyehelo tsa dikgutliso tsa lekgetho sa 3-million bakeng sa selemo sena se hodimo sa hlahlobo. Ena ke keketseho e ka bang 4% ha ho bapiswa le nako e tshwanang ngwahola. Dikgutlisong tsena, ke tse etsang 51% tse nyehetsweng ka tsela ya eFiling.

Ho tla ba le dikotlo tsa tsamaiso bakeng sa dikgutliso tse tlang ho faelwa ka morao ho nako mme tsena di pakeng tsa R200 ho isa ho R5000. Ho latela Molao wa Tsamaiso ya Lekgetho wa Nomoro ya 28 wa 2011 (TAA), le ka ho qolleha Karolo ya 234 (d), ke tlolo ya molao ho se nehelane ka kgutliso ya lekgetho ya mofuta ofe kapa ofe wa lekgetho leo molefalekgetho a ingodiseditseng lona.

SARS e tiisitse letsoho mabapi le dikgutliso tsa lekgetho tse salletseng morao ka sepheo sa ho ntlafatsa boikobelo, ke balefalekgetho ba 18 ba tshotjhisitsweng monongwaha ka lebaka la ho se faele kgutliso. Balefalekgetho bana, ba ileng ba tsebiswa setjhabeng, ba ile ba iphapanya le ditemoso tsa SARS tse neng di ba kopa ho faela dikgutliso tsa bona, ha jwale ba na le direktoto tsa bonokwane. Makgotla a fane ka dikotlo tsa ho tloha ho R2000 ho isa ho R20 000, mmoho le dikotlo tsa kamohelo ya molato, ha ba bang ba le tjhankaneng.

Balefalekgetho ba lokela ho dula ba fadimehetse dikema tsa boqhekanyetsi moo ba tshepiswang dipusetso kapa moo molefalekgetho a tsebiswang ka sekoloto seo ba se kolotang SARS. Dikema tsena tsa boqhekanyetsi di tla ka mefuta e fapaneng e kang mangolo, di-imeile, dihokedi tsa websaete le batho ka bomong ba iketsang diofisiri tsa SARS, babokelli ba dikoloto kapa bahlophisi ba tsa lekgetho. Ho na le diketsahalo tse ding moo bahlophisi bana ba tsa lekgetho ba tshepisang balefalekgetho pusetso ha feela ba ka fumana phesente kapa tefo e itseng ya pusetso ena. Hangata boqhekanyetsi bona bo etswa lebitsong la molefalekgetho ka ho etsa ditseko tsa ditshenyehelo tsa boqhekanyetsi. Hang feela ha SARS e lemoha boqhekanyetsi bona, molefalekgetho o tla jara boikarabelo ba sekoloto seo kaofela ha sona mmoho le dikotlo.

Balefalekgetho ka mehla ba lokela netefatsa dikgokahanyo tsa SARS ka ho sebedisa Contact Centre kapa lekala la SARS. Diketsahalo tse belaetsang tsa lekgetho di ka tlalehwa ho inthanete kapa ka ho letsetsa mohala wa dinako tsohle wa SARS.

Balefalekgetho ba hopotswa hore sehla sa lekgetho se mabapi le ho tsepamisa dikgulo tsa lekgetho tsa ngwahola le ho hlahloba hore na ho hutswe bokaalo bo nepahetseng ba lekgetho kapa tjhe. Hlahlobo ena e ka baka hore ho be le pusetso e tlang ho molefalekgetho kapa ho leshwe SARS ebang molefalekgetho a kolota SARS lekgetho. Ka nqa e nngwe ho ka nna ha ba le se bitswang kgutliso ya 'nil', moo molefalekgetho a sa koloteng SARS letho mme le yena a sa fumaneng pusetso.

Dintlha tsa bohlokwa tsa boikopanyi:

- SARS Contact Centre: 0800 00 7277
 - Diketsahalo tse belaetsang tsa lekgetho mmoho le mohala wa ho tlaleha manyofonyofo: 0800 00 2870
 - [Foromo ya inthanete ya ho tlaleha tse belaetsang](#)
-